

Tu becwn gas



Biiu tu bñ rrandx. Laaba gupba tu xpeecwba ni la Becwn gas, ne laama nilapa nagúzma. Glligllití rnazma cunejw, ne gduť nez roxrandxba ya bra cunejw bnazma, per stusi cunejw gual ríadx.

Chií rní Becwn gas: "Naa guildachaa stusi cunejw ni ríadx". Per biiu tu dxi guadiima laa cunejw gualqui.

Chií rapyma lo cunejw:


—Gurin, laa xchiu yabгаа, purc cadxi zunalda lii.

Chií rapy cunejw:

—¿Xiniiaza rníu lúá zii?

Chií Becwngas rapy:

—Naa rnía ló zii, purni stusi nau bra ra
saau ya bdaua.



Cunejw rapy:

—Per liisin adridxibydiuu rníu lua zii,
¿tadracbédiuu?, naa ná cunejw ni rnibé, tal
lii gauu naa, ¿chutiza guinibé pe?

—iJe, je, je! —rapy beecw—, ¿ta
zozayuu pe guídxibia lii purni rníu lúá zii?
iProbiiza lii, zecsi wuag nau!

Chií rapyma lo cunejw:

—iBcualo nana zeldaa!

Chi bigáma, illa!, bzidxaa cualdima nez
zub cunejw, lallu nau tu camión guia brúbma
nez zub cunejw, ne chií dizi guttip cunejw
dirgama guiqy cunejw. Axtasquic
guaquichrooma lallu zec burr biabma,
chiípaa gucllanma, chií guaxtiglluntima.

Chií rapyma lo cunejw:

—¿Ta barda runiiu?



Cunejw rapy:

—Xitrunnedia lii, lii caguaaldu naa.

Per tal barda rníu rcadxu gáu naa, gubiiasi

rot zub guianquich ríc. Tal lii guidxiniu ríi
glo lii naa llitgnídiia gau naa, nila zec roo
bquéz na roo.

Chi bín beecw zíi lallu yaggui cua
laxtóma, chií rníma: "Próbiza cunejwri, lama
yanullga laan ruua". Purc rníma: "Lo carreri
rí guinazaa cunejwri, adllixliiadii cachiichma
naa".



Chií rapy beecw:

—Tal zíi rníu, lii yarumbéu neziu, lii
cubyló, chií naa guiadnaldaa.

Chií rapy cunejw:

—Tal zǎí rníu, zacza zec rníu, per
bcuadiag naa glaba axta choni. Chiíti
guireenuu.

Chií bzunasinrama. Chií rapy cunejw:


—iTu, tiop, tiopgruld, choni!

Zecni biní cunejw "choni", chií bree
cunejw gdubyniractíma zema.



Zigacza laa beecw gdubyniractíma
zema. Lallu laa cunejw gunma gan guigaa.
Chi guc lliroo ni yazerama, chi gucbé cunejw
zǎí, laa cunejw guigaa ne racbéma gaxga rot
zebigrama na tu roo guiarodux. Chi

zedxingaxrama dizi guttip cunejw lo carreri
ni zerama, chií dirgllunga beecw guiquyma.
Lo golp ni ze beecw adbíndima gan
niazutipma, dirgama roo guiaroduxqui, diza
rial náma ziama par languet.




¡Tree! biabma, “¡jai, jai!” bridxdiana.
Chií bdi cunejw güelt biatma guabiiama
donu gu ya guty beecw.

Chi bidxinma rot ná beecw bisi rzi
beecw naga. Chi gunma zii, chií rapyma lo
beecw:

—Bidauti naa donuu, donuu guldiguu.

Chi bin beecw zii, chií rapyma:

—Bcualo xanarianuu, naa yazaa.



Chií dizi bcaaladxma guex guex rbeniia
rbenáma, lama gualo guty.

Chi gun cunejw zǎ, chií rapy cunejw
loma: "Bín purar, ladxzayabarda rníu."

